

昌平山水錄記
京東考古



〔清〕顧炎武

京昌
東平
考山
古水
錄記

北京古籍出版社

〔清〕顧炎武著

昌平山水記
京東考古錄

北京古籍出版社出版

北京崇文門外東興隆街五十一號

新華書店北京發行所發行

一九八二年四月

定價每冊三角一分

書號：一二二零五·五

出版說明

『昌平山水記』和『京東考古錄』是明末清初著名學者顧炎武有關北京的著作。

顧炎武（一六一三年——一六八二年），江蘇崑山人，他生的時候（明萬曆四十一年），滿洲已經崛起於東北。十六歲時（崇禎元年，一六二八年），陝北農民起義軍揭竿而起。三十二歲時（一六四年），李自成的大軍摧毀了明朝政權，接着，清兵入關。顧炎武的一生處在我國社會階級矛盾和民族矛盾極其尖銳的時代。

顧炎武正經歷着這種『天崩地坼』的時代，他眼見明末社會危機，政權腐朽。所以他『感四國之多虞，恥經生之寡術』，覺得應該研討實學，凡是政治、經濟、哲學、歷史、地理、兵農、水利……有關一代興衰的，有關民生利害的，都一一講求。他指斥明末知識界『束書不觀，遊談無根』，認為是國家衰敗原因之一。所以，他特別注意研究『當世之務』（研究現狀）和『六經之指』（研究歷史）。

一六四五年，顧炎武在家鄉崑山參加了抗清的鬥爭。失敗以後，他漫遊南北，到過山東、河北、山西、陝西等處。清順治十六年（一六五九年），顧炎武四十七歲，他由山東來北京，即北走昌平，謁明十三陵。一直到康熙十六年（一六七七年），他六十五歲了，還去謁陵。這十九年中，他六謁天壽山，對明朝象徵——明陵的拜謁，深深表現了顧炎武的愛國主義的思想。

昌平山水記 京東考古錄

二

但是顧炎武並沒有把眼光僅僅放在明陵上，他周行邊塞，流覽山川，成年累月在外邊跑，他說他『頻年足迹所至，無三月之淹，一年之中，半宿旅店』。這些旅行，他用以『紀政事，察民隱』，即從具體歷史地理、民間疾苦的研討中，尋求經世致用有補國計民生的道理。他的足跡走遍了北京郊區各地，他用兩個驃子馱着書，到了邊塞重地，把實地考察和書本資料參看比較。就這樣，他把在北京長期旅行的見聞紀錄下來，考證了許多著作的正誤，寫成『昌平山水記』和『京東考古錄』。

『昌平山水記』詳細地描述了明十三陵，記述了入葬的帝后、陵寢的建制等等。他還記述了十三陵陵域內，原有數十萬株蒼松翠柏等等。昌平州在明代還包括順義、密雲、懷柔三縣。所以這本書記述了昌平、順義、密雲、懷柔等縣的歷史地理情況。值得注意的是，作者在這本書裏也關心『國家治亂之原，生民根本之計』，他記述後漢張堪在狐奴開稻田八千頃，記述元代丞相脫脫引白河水種稻子等事。他還記述順義許多土地被皇莊佔去，小民失業，無所控訴。

『昌平山水記』記述簡潔，次序清楚。它由城區德勝門寫到郊區，依路途遠近寫來，很是嚴緊。當時，顧炎武的好友，晚年和顧炎武住在一起的陝西華陰王宏撰就在『山史』裏寫道：『所著「昌平山水記」二卷，巨細咸存，尺寸不爽，凡親對證，三易其稿，而亨林猶以爲未愜，正使博聞強記或當有人，而精詳不苟，未見其倫也。』

『京東考古錄』則是另一題材，以考證爲主。作者把從北京直到山海關一帶許多歷史地理問題作了考證，如辨明北京和薊縣名稱的關係，考察了遼、金陵寢，還考訂北京古北口的楊令公祠，說楊

業活動於山西雁門，等等。這些考證，辨明了歷史記述中的一些錯誤。

這兩本書依『顧亭林先生遺書彙輯』本排印。『昌平山水記』並根據『顧亭林先生遺書十種』本等版本校訂。『京東考古錄』若干條又見於顧炎武生平精心著作『日知錄』，所以又據『日知錄』作了校訂。

* * *
這兩本書，一九六二年由北京出版社標點出版。現根據一九六二年本重新排印，由北京古籍出版社出版。

目 錄

昌平山水記
京東考古錄

昌平山水記



昌平山水記卷上

崑山 顧炎武 審人著

京師九門，其西北曰德勝門，元之健德門也。洪武元年九月，大將軍徐達改今名。

出門八里爲土城，元舊也。正統十四年十月己未，也先奉上皇車駕登土城，以通政司左參議王復爲右通政，中書舍人趙榮爲太常寺少卿，出見上皇於土城，即此地也。

又二十里爲清河，其水出玉泉山，分流而北，逕此；又東會於沙河，入於白河。元順帝至正二十四年，禿堅帖木兒以兵向闕，駐於清河，索右丞相搠思、監資正院使朴不花二人。帝不得已，執而畀之。其兵乃退。即此地也。有石橋跨其上，永樂中建。宣德五年二月乙未，上奉皇太后謁長陵、獻陵，上躬乘鞬騎導皇太后輦至清河橋，下騎扶輦，既度橋，上復乘騎。郊甸之民夾道羅拜，皆稱萬歲。

又十二里有玄福宮，宏治十七年建。俗呼爲回龍觀。又十八里爲沙河店。店南有水，出昌平州西南五十里龍泉寺，合西山諸泉東流爲南沙河，有橋曰安濟。店北有水，出昌平州西南四家莊，逕雙塔村，東流爲白沙河，有橋曰朝宗。二橋正統十三年命工部右侍郎王永壽建。二水至店東南竇家莊而合。又東南至通州界入白河。漢書，軍都有濕餘水，東至潞，南入沽，即此水也。店在二水之間，今尚有居民百餘家。

先是車駕北征及上陵，多駐沙河。有文皇帝行宮遺址。正統時爲水所壞。嘉靖十六年三月丁未，上駐蹕沙河，禮部尚書嚴嵩言此爲車駕謁陵之路，南北道里適均，且居庸、白羊近在西北，邊防尤切，宜修復行宮，築城環之，設官戍守，從之。十七年五月，始於沙河店之東建行宮。十九年正月，城之，名曰鞏華。南北徑二里，東西徑二里。門四：南曰拱京，制如午門，北曰展思，東曰鎮遼，西曰威漠。行宮在城之中，先以勳臣若都督守之。二十八年，改副總兵，後改守備。有分守公署奠靖所及營房五百間，今圮，惟行宮存。

又二十里爲昌平州，州故永安城也。正統中，調長、獻、景三陵衛於中東西三山口及東西二營地方駐劄以護陵寢。及土木之難，明年景泰元年，於昌平縣之東八里築城，徙衛於內，名曰永安。三年，並昌平縣徙焉。今之東西二門及城中大橋，故南門遺蹟也。其後續設陵衛益多，仍於城南復築一城連之，今之南門是也。乃去舊城南面磚石而合爲一，周一十里二十四步。州治在舊城內大街西，先爲順天府昌平縣。正德元年，南京吏部尚書林瀚言，陵寢所在，歲三大祭欽遣百官陪祀，及帝后忌辰、歲暮正旦並遣駙馬詣陵，縣小民貧，供億煩苦，請改爲州；以密雲、順義、懷柔三縣隸之，助其力役，凡有科派差徭及養馬之類，悉皆優免。從之。未幾復降爲縣。八年，縣丞張懷復奏，始定爲州，以密雲、順義、懷柔三縣屬焉，仍隸順天府。

天壽山在州北一十八里。永樂五年七月乙卯，皇后徐氏崩，上命禮部尚書趙弘以明地理者廖均卿等往，擇地得吉於昌平縣東黃土山。及車駕臨視，封其山爲天壽山，以七年五月己卯作長陵。十一年

正月成，仁孝皇后梓宮自南京至，二月丙寅葬。二十二年七月辛卯，上崩於榆木川，十二月庚申葬。自是列聖因之，皆兆於長陵之左右而同爲一域焉。

自州西門而北六里至陵下，有白石坊一座五架，又北有石橋三空，又二里至大紅門，門三道，東西二角門，門外東西各有碑，刻曰：官員人等至此下馬。入門一里有碑亭，重簷四出陛，中有穹碑，高三丈餘，龍頭龜趺，題曰大明長陵神功聖德碑，仁宗皇帝御製文也。亭外四隅有石柱四，俱刻交龍環之，其東有行宮，今亡。又前可二里爲櫺星門，門三道，俗名龍鳳門。門之前有石人十二，四勳臣、四文臣、四武臣。石獸二十四：四馬、四麒麟、四象、四橐駝、四獬豸、四獅子（各二立二蹲，近者立，遠者蹲）。石柱二，刻雲氣，並夾侍神路之旁，迤邐而南，以接乎碑亭。碑文後書洪熙元年四月十七日，小子嗣皇帝某謹述。蓋文成而碑未立。宣德十年四月辛酉，修長陵、獻陵，始置石人、石馬等於御道東西。十月己酉，建長陵神功聖德碑，是時仁孝皇后之葬二十有三年，太宗文皇帝之葬亦十有一年矣。然而始立者，重民力也。櫺星門北一里半爲山坡，坡西少南有舊行宮，今存土垣一周。坡北一里有石橋五空，又北二百步有大石橋七空，大石橋東北一里許有新行宮，宮有感思殿，今亡。宮東南有工部廠及內監公署，今並亡。大石橋正北二里有石橋五空，又二里至長陵殿門神道，自嘉靖十五年世宗謁陵，始命以石甃，今稍殘缺。自大紅門以內，蒼松翠柏無慮數十萬株，今翦伐盡矣。

長陵在天壽山中峰之下，門三道，東西兩角門，門內東神厨五間，西神庫五間，廚前有碑亭一座，

南向，內有碑，龍頭龜趺，無字。重門三道，榜曰棲恩門。東西二小角門，門內有神帛爐東西各一。其上爲享殿，榜曰棲恩殿，九間重簷，中四柱飾以金蓮，餘皆髹漆。階三道，中一道爲神路，中平外城，其平刻爲龍形，東西二道皆城。有白石欄三層，東西皆有級，執事所上也。兩廡各十五間，殿後爲門三道。又進爲白石坊一座，又進爲石臺，其上爐一，花瓶、燭臺各二，皆白石。又前爲寶城，城下有甬道，內爲黃琉璃屏一座，旁有級分東西上，折而南，是爲明樓，重簷四出陛，前俯享殿，後接寶城，上有榜曰長陵。中有大碑一，上書曰大明，用篆；下書曰成祖文皇帝之陵，用隸。字大徑尺，以金填之。碑用硃漆欄畫雲氣，碑頭交龍方趺。寶城周圍二里。城之內下有水溝，自殿門左右繚以周垣，屬之寶城，舊有樹，今亡。

獻陵在天壽山西峰之下，距長陵西少北一里。自北五空橋北三十餘步，分西爲獻陵神路，至殿門可二里。有碑亭一座，重簷四出陛，內有碑，龍頭龜趺，無字。亭南有小橋，門三道，榜曰棲恩門。無角門，殿五間，單簷，柱皆朱漆，直椽，階三道，其平刻爲雲花，石欄一層，東西有級，兩廡各五間，餘如長陵。殿有後門，爲短簷，屬之垣，垣有門。垣後有土山，曰玉案山，故關神路於殿西。玉案山之右，有小橋，前數步又一小橋，跨溝水，溝水自陵東來過橋下，會於北五空橋。山後橋三道，皆一空。又進爲門三道，並如長陵，而高廣殺之。甬道平寶城，小冢半填，榜曰獻陵，碑曰大明仁宗昭皇帝之陵。餘並如長陵。山之前門及殿，山之後門及寶城各爲一周垣，舊有樹，今亡。十二陵制，獻陵最樸，景陵次之。洪熙元年五月辛巳，上疾大漸，遺詔有曰：『朕臨御日淺，恩澤未

浹於民，不忍重勞，山陵制度務從儉約。』是日上崩，皇太子卽皇帝位。及營仁宗皇帝山陵，上諭尚書蹇義、夏原吉等曰：『國家以四海之富，葬其親，豈惜勞費？然古之帝王皆從儉制，孝子思保其親之體魄於久遠者，亦不欲厚葬。秦漢之事足為明鑒。況皇考遺詔，天下所共知。今建山陵，予以為宜遵先志。卿等之意如何？』義等對曰：『聖見高遠，發於孝思，誠萬世之利。』於是命成山侯王通、工部尚書黃福總其事，其制度皆上所規畫也。

景陵在天壽山東峰之下，距長陵東少北一里半。自北五空橋南數步，分東為景陵神路，至殿門三里。碑亭門廡如獻陵，殿五間，重簷。階三道，其平刻為龍形，殿有後門，不屬垣，殿後門三道，並如獻陵。甬道平寶城，長而狹，榜曰景陵，碑曰大明宣宗章皇帝之陵。周垣如長陵，寶城前有樹十五株，冢上一株。

裕陵在石門山，距獻陵西三里。自獻陵碑亭前分西為裕陵神路。路有小石橋，碑亭北有橋三道，皆一空，平刻雲花，殿無後門。榜曰裕陵，碑曰大明英宗睿皇帝之陵。餘並如景陵。寶城如獻陵，垣內及冢上樹一百六七十株。

茂陵在聚寶山，距裕陵西一里。自裕陵碑亭前分西為茂陵神路。路有石橋一空，制如裕陵。榜曰茂陵，碑曰大明憲宗純皇帝之陵。垣内外及冢上樹千餘株。十二陵惟茂陵獨完，他陵或僅存御榻，茂陵則簾廧之屬，猶有存者。一

泰陵在史家山，距茂陵西少北二里。自茂陵碑亭前分西為泰陵神路。路有石橋五空，賢莊、灰嶺二

水逕焉。碑亭北有橋三道，皆一空，制如茂陵。榜曰泰陵，碑曰大明孝宗敬皇帝之陵。垣內及冢上樹百餘株。殿上存御座、御案、御榻各一，承塵皆五色花板，多殘缺，而茂陵、泰陵完焉。

康陵在金嶺山，距泰陵西南二里。自泰陵橋下分西南爲康陵神路。山勢至此折而南，故康陵東向，路有石橋五空，錐石口水逕焉，今圮。又前有石橋三空，制如泰陵。榜曰康陵，碑曰大明武宗毅皇帝之陵。明樓爲賊所焚，垣內外樹二三百株。

永陵在十八道嶺，嘉靖十五年改名爲陽翠嶺，距長陵東南三里。自七空橋北百餘步分東爲永陵神路。長三里，有石橋一空，有碑亭一座如獻陵，而崇鉅過之。碑亭南有石橋三道，皆一空，門三道，門內東神厨五間，西神庫五間，重門三道，東西二小角門，又進復有重門三道，飾以石欄，累級而上，方至中墀。殿七間，兩廡各九間，其平刻左龍右鳳，石欄二層，餘悉如長陵。殿後有門，兩旁有垣，垣各有門，明樓無甬道，東西爲白石門，曲折而上，樓之三面皆爲城堞。榜曰永陵，碑曰大明世宗肅皇帝之陵。享殿、明樓皆以文石爲砌，壯麗精緻，孝、長二陵不及也。寶城前東西垣各爲一門，門外爲東西長街，而設重垣於外。垣凡三周，皆屬之寶城，其規制特大云。舊有樹，今亡。

昭陵在文峪山，距長陵西南四里。自七空橋北二百許步分西爲昭陵神路，長四里。路有石橋五空，德勝口水逕焉。又西有石橋一空，今圮。陵東向，碑亭西有橋三道，皆一空，餘如康陵。榜曰昭陵，碑曰大明穆宗莊皇帝之陵。明樓爲賊所焚，樹亡。

定陵在大峪山，距昭陵北一里。自昭陵五空橋東二百步分北爲定陵神路，長三里。路有石橋三空。陵東向，碑亭東有橋三道，皆一空，制如永陵。其不同者門內神厨庫各三間，兩廡各七間，三重門旁各有牆，牆有門，不升降中門之級，殿後有石欄一層，而寶城從左右上。榜曰定陵，碑曰大明神宗顯皇帝之陵。殿廡門爲賊所焚，樹亡。

慶陵在天壽山西峰之右，距獻陵西少北一里。自裕陵神路小石橋下分東北爲慶陵神路，長二十餘步。有橋一道，一空，制如獻陵。平刻龍鳳，殿柱飾以金蓮，殿無後門。殿後繚以垣門一道，門北有橋三道，皆一空，其水自殿西下，殿門西又有一小橋，爲行者所繇。殿北過橋，有土岡，自東而來，至神路而止，岡後周垣門三道，如獻陵。寶城東西直上，至中復爲甬道而入。榜曰慶陵，碑曰大明光宗貞皇帝之陵。殿門前及垣內樹四五百株。

德陵在檀子峪，距永陵東北一里。自永陵碑亭前分北爲德陵神路。陵西南向，碑亭前有橋三道，皆一空，制如景陵。平刻龍鳳，殿柱飾以金蓮，殿無後門。榜曰德陵，碑曰大明熹宗憇皇帝之陵。樹亡，凡殿樓門亭俱黃瓦。

十一陵皆一帝一后合葬，有繼立爲后而祔葬者，有追尊所生爲后而祔葬者。仁孝文皇后徐氏葬長陵，誠孝昭皇后張氏葬獻陵，孝恭章皇后孫氏葬景陵，孝莊睿皇后錢氏葬裕陵，孝貞純皇后王氏葬茂陵，孝康敬皇后張氏葬泰陵，孝靜毅皇后夏氏葬康陵，孝潔肅皇后陳氏葬永陵，孝懿莊皇后李氏葬昭陵，孝端顯皇后王氏葬定陵，孝元貞皇后郭氏葬慶陵。孝烈皇后方氏祔葬永陵，孝安皇后陳氏

祔葬昭陵，繼后也。孝肅皇后周氏祔葬裕陵，憲宗母也，孝穆皇后紀氏、孝惠皇后邵氏祔葬茂陵，孝宗母、睿宗母也，孝恪皇后杜氏祔葬永陵，穆宗母也，孝定皇后李氏祔葬昭陵，神宗母也，孝靖皇后王氏祔葬定陵，光宗母也，孝和皇后王氏、孝純皇后劉氏祔葬慶陵，熹宗母、大行皇帝母也。而熹廟懿安皇后張氏不知所終，事莫得而詳焉。

宮人從葬之令，至英宗始除。故長陵有東西二井，東井在德陵東南饅頭山之南，西向，西井在定陵西北，東向。並重門，門三道，殿三間，兩廡各三間，綠瓦周垣。會典言長陵十六妃從葬，位號不具。其曰井者，蓋不隧道而直下，故謂之井爾。或言越絕書有禹井，井者法也，禹葬以法度，不煩人衆，當日命名之意，豈有取於此與！自英宗既止宮人從葬，於是妃墓始名，或在陵山之內，或在他山。其在陵山內者，則自昭陵之左，九龍池上南行二里許爲蘇山，有萬貴妃之墓，憲宗妃也，制如二井，東向。又南爲銀錢山，有鄭貴妃暨二李、劉、周四妃之墓，神宗妃也，制如二井，南向，今毀。又南爲襖兒峪，有四妃、二太子墓，中閻妃、王妃，左馬妃，次左冲哀太子，右楊妃，次右莊敬太子，世宗妃太子也。又南爲悼陵，制如二井，東南向，孝潔皇后陳氏，初謚悼靈，葬此。世宗崩，遷永陵，而其封兆尚存，旁有沈、文、盧三妃之葬，至今猶曰悼陵云。有神宮監。

悼陵之東爲鹿馬山，有田貴妃之墓，大行皇帝妃也。大行皇帝御宇之日，未卜山陵，田妃薨，葬此，在悼陵之下，南距西山口一里餘。遣工部左侍郎陳必謙等營建，未畢而都城失守。賊以大行皇帝、大行皇后周氏梓宮至昌平，州之士民率錢募夫葬之田妃墓內，移田妃於右，帝居中，后居左，以田